

U JU'UNIL TU'UX TSOLA'AN BIX  
U MEYAJ UNIDAD DE  
TRANSPARENCIA TI'  
UNIVERSIDAD AUTÓNOMA DE  
YUCATÁN

## E'ESAJIL

U jáalk'abil u béeykunsa'al le *derecho humano* yóolal u k'ajóolil le informasyoon puublikao' ku muk'a'ankunsik u táakpajal máak ichil administrasyoon puubliika, lela' ku cha'ik u yojéeltal bix u k'áatal u taak'in kaaj, k'ajóola'an bey *recursos públicos*, bix u tsolil u meyajta'al tumen administrasyoon puubliika aktáan kaaj.

Yóolal *Universidad Autonomae'*, le tsoolila' ku síijil bey jump'éel áantaj ti'al le máaxo'ob ku táakpajlo'ob te' universidadado' yéetel je'el máaxake, ti'al u ka'a jets'ik u ts'a'ik kweentas, u sáasilil u meyaj ba'ale yaan u chíikbesik tuláakal u noj tuukulo'ob.

U ju'unil tu'ux tsola'an bix u meyaj *Unidad de Transparencia* ti' *Universidad Autónoma de Yucatán*, ku molik tuláakal ba'alo'ob ti'al u ma'alob meyajtik le solisituudo'obo' yo'olal u k'ajóolil le informasyoono'.

## BA'AXO'OB KU TAASIK

1. Ba'ax ku kaxtal/Noj tuukulil
2. Tu'ux ku páajtal u meyajtal
3. Leeyes ku meyajtik
4. Bix ku páajtal a meentik le solisituudo'obo'
5. *Unidades Administrativas*
6. Súutukil ti'al u núuka'al
7. Bix u meyajta'al le solisituudo'
8. U láak' páa'tajil
9. U mina'anil
10. U jatsbe'enil le informasyoono'
  - 10.1 *Reservada*
  - 10.2 *Confidencial*
11. U bo'olil ti'al u beetal uláak' beyo'
12. Ku k'u'ubul le informasyoono'
13. Áantaj ti'al u xak'alta'aj tu ka'atéen le informasyoono'
14. U ka'a xaak'alil le poliitikaso'

U ju'unil tu'ux tsoola'an bix u meyaj	Koodigo: MPUT-UT-REC-01
<i>Unidad de Transparencia</i>	U k'iinil ka beetabi': 28 ti' octubre 2021

1. Ba'ax u Noj tuukulil

U yila'al ka beeta'ak tu beelil tuláakal le solicituudo'obo' yóolal u k'ajóolil le informasyoon puublikao' ku péeksal yóok'ol le *Universidad Autónoma de Yucatán*.

2. Tu'ux ku páajtal u meyajtal

Le ba'axo'ob yaan ichil le ju'una' tu'ux tsola'an bix kun úuchul meyajé', unaj u nu'ukta'al tumeen tuláakal u kúuchilo'ob yaan ichil *Universidad Autónoma de Yucatán*.

3. Leeyes ku meyajtik

a) *Constitución Política de los Estados Unidos Mexicanos*

b) *Constitución política del Estado de Yucatán*

c) *Ley General de Transparencia y Acceso a la información Publica*

d) *Ley de Transparencia y Acceso a la Información Pública del Estado de Yucatán*

e) *Ley orgánica de la Universidad Autónoma de Yucatán*

f) *Estatuto General yéetek tuláakal u leeyes le Universidad*

g) *Acuerdo de Rectoría Número trece*, tu k'iinil 12 ti' abril tu ja'abil 2005, ku ye'eyil le Secretarios Administrativos ti' u kúuchilo'ob ti' *Universidad Autónoma de Yucatán* bey máaxo'ob jóolintik *Unidades Administrativas de Transparencia y Acceso a la Información Pública*.

h) *Acuerdo de Rectoría Número Diez*, tu k'iinil 9 ti' mayo tu ja'abil 2016, ku ts'aik *Comité Institucional de Transparencia de la Universidad*.

i) *Acuerdo de Rectoría Número 22*, tu k'iinil 20 ti' mayo tu ja'abil 2014, yo'olal u jump'éelili'ital ba'axo'ob yaan ichil u e'esajil informasyoon puublika ti' u kúuchilo'ob xook *Universidad*.

- j) *U tsol tuukulil meyaj ts'aba'an tumeen Instituto Nacional de Transparencia, Acceso a la Información y Protección de Datos Personales*
- k) *U tsol tuukulil meyaj ts'aba'an tumeen Instituto Estatal de Acceso a la Información Pública y Protección de Datos Personales.*

#### 4. Bix ku páajtal a meentik le solisituudo'bo'

U ts'íbil le solisituudo'ob ti' informasyoon ku beetal ti' le *Universidad Autónoma de Yucatán*, yaan u k'amal tumen le Unidad de Transparencia', yéetel le medyoso'oba':

- a) *Portal de la Plataforma Nacional de Transparencia.*
- b) *Correo electrónico Institucional ti'al Unidad de Transparencia:*  
[solicitudes@correo.uady.mx](mailto:solicitudes@correo.uady.mx)
- c) *Correo electrónico Institucional ti' máax jóolbesik Unidad de Transparencia:*  
[monica.dominguez@correo.uady.mx](mailto:monica.dominguez@correo.uady.mx)
- d) *Ts'íbil tu táan le Unidad de Transparencia.*

#### 5. *Unidades Administrativas*

5.1 U meyaj le máaxo'ob ts'aaba'an u jo'olintik *Secretarías Administrativas* ti' le kúuchilo'ob ku yilik xooko'ob ti' *Universidad*', yaan u yiliko'ob:

- a) Yo'ol u k'aatal informasyoon, lekéen k'abéetchake' ka ts'abak ti' *Unidad de Transparencia* le informasyoon ku k'áata'al ti'o', tu jejeláas medyosil a'ala'an te' kamp'éel tsoolilo'.
- b) U meyaj le ts'aa ojéeltbilo' ichil *Plataforma Nacional de Transparencia* yéetel ichil u *página web* yo'olal *transparencia* ti' *Universidad*, le ba'ax unaj u ts'aa k'ajóoltbilo' ti'an ichil le *Ley General de Transparencia y Acceso a la Información Pública* tu *artículos 70, 75* yéetel 77.

Yóolal lelo', ku yáantaj ti'al:

- a) U ya'alal máax ti' le depensyao' yaan u meyaj yéetel *Unidad de Transparencia* ti'al tuláakal le ba'ax ku jóok'ol beyxan ba'alo'ob ku meenta'al te' tu'ux ku k'ajóolal le informasyoono' yéetel u meyaj le ts'aa ojéeltbilo' te' *Plataforma Nacional de Transparencia*, beyxan ti' *página web* yo'olal *transparencia* ti' *Universidad* je'ex jets'anil tumen le *Ley General de Transparencia y Acceso a la información Pública* ichil *artículos 70, 75* yéetel *77*.
- b) U Túuxta'aj, le solisituudo' ti' informasyoon túuxta'an tumen le *Unidad de Transparencia* ti' le kúuchilo'ob ti' le dependensyao' tu'ux unaj yaan le informasyoono'.
- c) U yilik ka k'uchuk le informasyoon k'áatab tu k'iinil yéetel tu beel ti' *Unidad de Transparencia*.
- d) Kaa k'ajóolta'ak le *artículos 70, 75* yéetel *77* ti' le *Ley General de Transparencia y Acceso a la Información Pública*, le ku ta'absa'al je'ex unaj le meyaj ku beetal ti'al ts'aa ojéeltbil te' *Plataforma Nacional de Transparencia* ti' *página web* yo'olal *transparencia* ti' *Universidad*
- e) Túuxbil *correo electrónico institucional* ti' le *Unidad de Transparencia*, u xéexet' chíikbesajil *artículos 70, 75* yéetel *77* ti' le *Ley General de Transparencia y Acceso a la Información Pública*, uti'al u xak'altik, u k'amik yéetel u ts'aik ichil *Plataforma Nacional de Transparencia*.
- f) U béeytal u ts'abal tuláakal ba'axo'ob k'a'abéet uti'al u meyaj *Unidad de Transparencia* uti'al u bin nu'ukij yéetel chika'anil tu yo'olal *obligaciones institucionales* bey je'ex ti' *transparencia* yéetel u páajtal u yojéelta'al le informasyoono'.

5.2 Tuláakal le kuchilo'ob yaan informasyoonti'obe' je'ex bix Direcciones, coordinaciones, jefaturase' k'a'abet u meentik u páajtalil u yojéelta'al le informasyoono' ku k'áata'al ti' *Unidad de Transparencia*, bey je'ex u ts'abal ojéeltbil informasyoon unaj u yojéelta'al jets'a'an tumeen *Ley General de transparencia y Acceso a la Información Pública*, ichil u *artículos 70, 75, yéetel 77*, ti' *Plataforma Nacional de Transparencia* yéetel ti' u *página web yo'olal transparencia* ti' le Universidadada'. Yo'olal lelo', ku yáantaj ti'al u béeychajal tu xookil 5.1 ti' u tsolil a) taak f) ti' le manual je'ela'

## 6. Suutukil ti'al u núuka'al

U xaanil u núukik *Unidad de Transparencia* yaan tak ti' 10 k'iinilo'ob meyaj juntéen u k'amik le solisituudo' ti'al yóolal u k'ajóolil le informasyoono'.

## 7. Bix u meyajtal le solisituudo'

7.1 ken k'amak u solisituudil informasyoone', *Unidad de Transparencia* yaan u k'áatik ka nuukakti' tuumen *Unidad Administrativa* meyajtik. Yaan tak siinko u k'iinilo'ob meyaj ti' *Unidades Administrativas* juntéen u ts'a'abal u yojéeltik le solisituudo' ti'al u k'ubik u núukil ti' *Unidad de Transparencia*.

7.2 *Unidad Administrativa*, ken u k'am le k'áat ku beeta'alo', k'áabeet u xak'altik le solisituudo' ti'al u yilik wáa ku páajtal u núukik, beyxan waa ku k'eexpajal bix jaatsa'anil le informasyoono' ti' *reserva waa confidencialidad*.

7.3 Wáa *Unidad Administrativa* ku yilik ma' leti' unaj u núukike', yaan u ya'alik ichil ka'ap'éel k'iinilo'ob meyaj juntéen u k'am le solisituudo', yéetel u *Correo electrónico institucional* ti' *Unidad de Transparencia*, uti'al u túuxta'al ti' u *Unidad Administrativa* k'áabeto'.

7.4 Wáa *Unidad Administrativa* ku yiilik le daatos ts'aba'an te' solisituud ti'al u páajtal u yojéeltal le informasyoon jach up'íte', wa ma' chúuka'ane, wa ma' tubeeli', ku beetik u xáankunsik u meyajil wáa ma' tu béeytal u meyajta'al, ti' jump'éel súutuk ma' tu máansik ka'ap'éel k'iinilo'ob meyaj xoka'an juntéen ka ts'a'ab u yojéelt le solisituud ti' le informasyoono' tumen *Unidad de Transparencia*, k'a'abet u k'áatal ti le *Unidad a'alabo'*, tu yéetel jump'éel oficio

ts'íibta'an wáa ti' *correo electrónico institucional*, uti'al ka k'áatak ti' le máax tu beet u solisituudo' ku ts'a u jejela'as ba'alo'ob, u yutskíinsik le daatos u tsaamo' wáa u jets'ik le jejela'as informaasyoon k'áata'akti'o'.

7.5 *Unidad de Transparencia* yaan u ya'alik ti' le maax k'áat le solisituudo' ti' informasyoono' beey jets'a'an te' leyes táabesa'an, ma' tu beeytal u máan ti' sinko u k'iinilo'ob meyaj juntéen meentak le solisituudo'.

7.6 Le súutuk ti' le máax beet le solisituudo' ti' le informasyoon, ti' u núukik le ba'alo'ob k'ata'anti'o' ma' tu beeytal u máan ti' dyes k'iinilo'ob meyaj juntéenak ts'aabal u yojéelte'. *Unidad de Transparencia* k'abeet u ts'aak u yojéelt séeba'anil ti' *Unidad Administrativa*, juntéenak u k'am le núukil le ba'ax tu k'áato'.

7.7 Wáa le máax tu beetaj le solisituudo' ma' tu núukaj le ba'ax k'áatati'o' je'ex bix ya'alabo' yéetel tu k'iinile', yaan u ch'a'abal bey ma' tu táakbesaj u solisituudil u yojéeltik le informasyoono'.

## 8. Uláak' páa'tajil

Lekéen u k'am solicitud le *Unidad Administrativa*o', wa ku yilik k'abéet maasil tyeempo ti' ti'al u kaxtik le informasyoon ku k'áata'al ti'o', yaan u yaantal ka'ap'éeel u k'iinilo'ob meyaj juntéen u k'am le solicitud, ti'al u túuxtik u núukil ti' ju'um wa ti' u kóoreo institusyonaal *Unidad de Transparencia* k'abéet u tsolik tu beelil ba'ax óo'lal yéetel k'aabéet jets'a'an ich le leeyo'.

Chéen p'éeel u k'amik le ju'un wáa le *correo institucional*, le *Unidad de Transparencia*o' yaan u much'ik u *Cómite Institucional de Transparencia*il *Universidad Autónoma de Yucatán*, ti'al u tsikbalt wa u jets'ik, u k'exik, wa ku negaartik le maasil tyeempo ku k'áata'alo', bey kun chiikbesik ti' u aaktail le tsikbalo'.

Le u ts'íibil ti'al u ts'abal ojéeltibil uláak' páa'tajilo' ti' le máax k'áat u páajtal u yojéeltal le informasyoono', k'abéet u k'u'ubul aantes u k'iinil u béenser le informasyoon k'áatano'.

## 9. Mina'anil

Wa mina'an le informasyoon ich u áarchibos le *Unidad Administrativa* tu'ux ku k'áata'alo', le kúuchila' yaan u ts'áaik ojéeltbil ti' *Unidad de Transparencia*, ti' up'éeel ju'un wáa kóoreo *institucional* ba'ale' ma' u máan ka'ap'éeel k'iinilo'ob meyaj k'uchuk le solicitud ti'obo', k'abéet xan u tsolik tubeelil ba'axten mina'an le informasyoon k'áata'ab ti'obo'.



Chéen p'éel u k'amik le ju'un wáa le correo institucional, le Unidad de Transparenciao' yaan u much'ik u Comité Institucional de Transparenciail Universidad Autónoma de Yucatán, ti'al u tsikbalt wa ku jets'ik, wa ku k'exik, wa ku negaartik le maasil tyeempo ku k'áata'alo', bey kun chíikbesik ti' u aaktail le tsikbalo'.

## 10. U jatsbe'enil informasyoon

### 10.1. *Reservada*

Wa tumen le informasyoon ku k'áata'alo', ma' tu páajtal u ts'abal, tumen k'abéet u kalanta'al tumen Unidad Administrativa, le kúchila' yaan u yilik ma' u máan óoxp'éel k'iinilo'ob meyaj k'uchuk le solicitudada' ti'al u túuxtik ti' ju'un wáa kóoreo institucional ti' Unidad de Transparencia, tu'ux ku ye'esik u k'aasil, tu'ux yaan u chíikbesik ba'ax óolal je'el u taasik jach jaaj sajbe'entsilil wa ku k'u'ubul le informasyoona', chíikpaja'an yéetel tsoolan tubeelil, wa le sajbe'entsilil talamil yaan u yil yéetel u ts'a'abal k'ajóoltbil le informasyoon maas aal u kuuch ti' u k'abéetil u ts'a-k'ajóolalil ti' kaajo' wa tumen ku páajtal u ketkunsal le ka'ap'éel ba'alo'oba' yaan u kaxta'al bix je'el u ts'atáanta'al síinke u k'alal le informasyoona'

Chéen p'éel u k'amik le ju'uno', le Unidad de Transparenciao' yaan u much'ik u Comitéil Institucional de Transparencia ti'al u tsikbalt wa ku jets'ik, wa ku k'exik, wa ku negaartik u jatsil le informasyoon ku k'áata'alo', bey kun chíikbesik ti' u aaktail le tsikbalo'.

Le Unidad Administrativa kéen u jets' up'éel informasyoon bey *reservadae'*, chéen ku páajtal u beetik yo'ol siinko anyoos, lela' ku káajal ken beetak u tumen jatsbe'enil. Kex tumen beyo' le unidadeso', wa ku je'ets'ik le Comité Institucional de Transparenciao', ku páajtal u kalantiko'ob le informasyoona' tak yo'ol uláak' siinko anyoos, lela' chéen wa ku ye'esiko'ob léeyli kuxa'an le sajbe'entsilil yo'olal jatsa'an le informasyoona'. Upuli' ma'atun je'ets'el u jatsa'al le informasyoona' wa ma' beetan jump'éel solicitud yóoal u k'ajóolil informasyoon.

### 10.2 *Confidencial*

Kwáandos le ba'ax ku k'áatalo' yaan datos personales', le Unidad-Administrativa iliko', yaan ti' tak óoxp'éel k'iinilo'ob meyaj ku káajal le k'iin ts'a' óojeltbil le solicitudada', k'abéet u túuxtik jump'éel ju'un wáa ti' kóoreo elektrooniko institucional ti' Unidad de Transparencia, tu'ux ku ts'áaik k'ajóoltbil le datos personales k'abeet u testaartaj tumen informasyoon confidencial yaan u yil yéetel máax k'ajóolta'an, wa máax k'ajóola'an, k'abéet xan u yoxsin u ju'unil testado, bey túuno ku kumplirtik u kalanil u *derechos* ti' le máaxo'ob ku k'áatalo' u informasyoona'obo'.

Lekéen u k'am le ju'uno', le Unidad de Transparenciao' yaan u much'ik u Comitéil Institucional de Transparencia ti'al u u yilik tu beel, wa ku jets'ik, wa ku k'exik, wa ku negaartik u jatsalil le informasyoon ku k'áatalo' bey confidencialo', bey kun chíikbesik ti' u aaktail le tsikbalo'.

U Jatsalil le informasyoono' mina'an u súutukil

11. U bo'olil beetal uláak' beyo'

Wa yaan u bo'olil u ts'abal le informasyoono', lela' ku bo'otik le máax k'áato' aantes u k'u'ubul ti', lela' mu páajtal u máan u bo'olil ti':

- a) U tojol ba'axo'ob k'abéetchaj ti'al u beetal uláak' beyo', yéetel
- b) U tojol u túuxta'al, wa k'anetchaji.

Le informasyoono' unaj u k'u'ubul xma'abo'olil, wa ma' tu máan beeynte u wáalal. Unidad de Transparenciae' ku páajtal u tselik u bo'olil u kopyarta'al yéetel u túuxta'al wa tumen le máax k'áato' mina'an u toojol u bo'otik.

Unidad de Transparenciae' yaan u yaantal le informasyoon k'áata'anti'o', kex seseenta k'iinilo'ob meyaj wa u máasil, lela' ku káajal desdée le k'iin ku beeytal u bo'olil yóola le máax k'áato' le je'el ma' tu máan ti' treeynta k'iinilo'ob meyaj.

12. Ku k'u'ubal le informasyoono'

Lekéen u k'am Unidad de Transparencia ti' unidad administrativa le informasyoon ku k'áata ti'o', yaan u k'ubik ti' le máax beet le solicitudó', je'ex bix tu beetaj le solicitudó'. (ti u Portal de la plataforma nacional de transparencia, kóorreo wa ku k'u'ubul tu kúuchil Unidad de Transparencia).

13. áantaj ti'al u xak'altaj tu ka'atéen le informasyoono'

Lekéen k'u'ubuk le informasyoon ti' le máax k'áatiko', wa ma' ki'imak u yóol yéetel le ba'ax k'u'ub ti' tumen Unidad Administrativa, yaan u páajtalil u yoksik jump'éeel áantaj ti'al u ka'a xak'altaj le informasyoono', yaan ti kiinse u k'iinilo'ob meyaj desdée kéen u k'am le informasyoon, tu táan *Instituto Estatal de Transparencia, Acceso a la información y Protección de Datos Personales (INAIP)* wáa tu táan *Unidad de Transparencia de la Universidad Autónoma de Yucatán*, le kúuchila' yaan ti' tak beeyntikwaatro ooras ti'al u túuxtik le rekursoa' ti' INAIP.

Lekéen u ts'áa ojéeltbil *Instituto Estatal de Transparencia, Acceso a la información y Protección de Datos Personales (INAIP)* ti' Unidad de Transparencia deke yaan up'éeel áantaj ti'al u xak'alta tu ka'atéen le informasyoono', le kúuchila' yaan ti' tak syeete u k'iinilo'ob meyaj desdée ken u k'ame', ti'al u u ts'ik up'éeel íinforme tu'ux ku tsolik ti' INAIP ba'ax úuch yéetel le solicitudó', ti'al lela' u páajtal u k'áatik ti' le Unidad Administrativa ts'atáantik le informasyoono', u daatosil yéetel ba'axo'ob k'abéet ti' ti'al u beetik le íinformeo'.

14. U ka'axaak'alil le poliitikaso'

Le máax jo'olintik Unidad de Transparenciao', táanile' ku tsikbaltaltik yéetel máax jo'olintik Rectoría, ts'o'okole' leti'e' ku beetik, ku xak'altik, ku túumbenkunsik yéetel ku ts'áaik k'ajóoltbil le poliitikaso'.


Jbeeta'ab tumen	xak'alta'ab tumen	Jaajkunta'ab tumen
Mtra. Mónica Domínguez Millán U nojochil Unidad de Transparencia  Abg. Indra Abigail Sima Mena Máax ilik Autonomía Universitaria ti' Jefatura de Asuntos Constitucionales y Normativa Universitaria ti' Oficinail Abogado General	Mtra. Nlcteha de Guadalupe Domínguez Ayala U nojochil Jefatura de Asuntos Constitucionales y Normativa Universitaria ti' Oficinail Abogado General	Comité Institucional de Transparencia

Le fiirmaobo' ku jets'ik u responsabilidad le máaxo'ob: beet le ju'una', máaxo'ob xak'altej yéetel jaajkunsej ti'al u káajal u k'abéetkunsal ti' Universidad Autónoma de Yucatán.


U tsoolil meyajil u ts'atáanta'al Solisituudo'ob ti'al u páajtalil u yojelta'al informasyoon puublika, yéetel Prebensyoon.




U tsoolil meyajil u ts'atáanta'al Solisituudo'ob ti'al u páajtalil u yojelta'al informasyoon puublika, yéetel informasyoon konfidensyaal




U tsoolil meyajil u ts'atáanta'al Solisituudo'ob tí'al u páajtalil u yojelta'al informasyoon puublika, yéetel uláak' páa'tajil





Ojéelt: ichil tuláakal ba'alo'ob je'el u páajtal u yúuchule', le máax k'áatik le infoormasyoono' yaan 15 k'iino'ob ti' desdée ka ts'a'ab u yojéelt ba'ax núuka'ab ti' tumeen le kúuchilo' uti'al u k'áatik ka xak'alta'ak táan ti' INAIIP wa tu táan *Unidad te Traanspariencia*, lela' je'el u páajtal u beetik leti'e' wa u representaante , ku páajtal u beetik personal wáa ti' meedyos elektroonikos.

U tsoolil meyajil ti'al u ts'atáanta'al solisituudo'ob ti'al u k'áata'al informasyoon puublika mina'an ich ju'unilo'ob líbbsa'an tumen UADY.





U tsoolil meyajil u ts'atáanta'al Solisituudo'ob ti'al u páajtalil u yojelta'al informasyoon puublika, yéetel informasyoon *reservada*.

